

## Faaaliga

---

Aso: 20 Me, 2014

O LE EKALESIA A  
**IESU KERISO**  
O LE AU PAIA O ASO  
E GATA AI

Mo: Au Pulega Aoao ma taitai nei i fafo atu o le  
Iunaite Setete ma Kanata: Fitugafulu Eria;  
Peresitene o Siteki, Misiona, ma Itu; Epikopo  
ma Peresitene o Paranesi

Mai le: Matagaluega o Talafaasolopito o Aiga ma le Matagaluega o Tupe  
Faaagaga mo Aoga

Mataupu: Faaaogaina Faatasi o Fale o Nofoaga Autu mo Talafaasolopito o  
Aiga ma Auaunaga o le Ola Faalagolago o le Tagata ia te Ia Lava a  
le Siteki

---

Ina ia mafai ona faafetaiaia le manaoga faatupulaia mo tagata ia maua ma  
faaaogaina tekinolosi ma punaoa e faatatau i talafaasolopito o aiga ma le ola  
faalagolago o le tagata ia te ia lava, o lea o le a faaaoga faatasi ai ia masini ma  
avanoa i nisi o nofoaga autu mo talafaasolopito o aiga ma Auaunaga o Tupe  
Faaagaga mo Aoga o le Ola Faalagolago o le Tagata ia te Ia Lava. E ala i le  
faamaoopooina lelei o o latou taimi faatulagaina, o le a mafai ai e nofoaga  
autu mo talafaasolopito o aiga ma nofoaga autu o Tupe Faaagaga mo Aoga o le  
ola faalagolago o le tagata ia te ia lava ona (1) fesoasoani i tagata ma isi ia iloa  
o latou aiga ma ia fesoasoani atu i tagata e auina mai suafa o o latou aiga mo  
sauniga o le malumalu ma le (2) fesoasoani i tagata ia maua avanoa mo aoga,  
maua galuega, pe faia ni a latou lava pisinisi.

E tatau i au peresitene o siteki ona faamaoopoopo le faaaogaina o nei  
nofoaga autu e tusa ai ma taiala o loo faapipiiina atu. Mo nisi faamatalaga,  
faafesootai ane le pule o talafaasolopito o aiga a le eria po o le pule [o  
auaunaga] o le ola faalagolago o le tagata ia te ia lava.



# Taiala mo le Faaaogaina Faatasi o Fale o Nofoaga Autu mo Talafaasolopito o Aiga ma Auaunaga o le Ola Faalagolago o le Tagata ia te Ia Lava a le Siteki

1 Me, 2014

O LE EKALESIA A  
**IESU KERISO**  
O LE AU PAIA O ASO  
E GATA AI

---

Ua faaopoopo ia taiala nei i aiaiga faavae ua uma ona faatulagaina mo nofoaga autu mo talafaasolopito o aiga.

1. **Faamoemoega:** O talafaasolopito o aiga ma auaunaga o le ola faalagolago o le tagata ia te ia lava o le a galulue soosootauau i le lotogatasi e faataunu o la faamoemoega patino.
2. **Tiutetauave:** O le faatonusili o le nofoaga autu mo talafaasolopito o aiga, i lalo o le taitaiga a le perisitua, e nafa faapitoa lava mo le faagaoioiga o le nofoaga autu ma ona masini, e tusa ai ma aiaiga faavae o le Matagaluega o Talafaasolopito o Aiga. E tatau i le faatonusili ona galulue faatasi ma le tagata tomai faapitoa mo le ola faalagolago o le tagata ia te ia lava ina ia mautinoa ua taulimaina foi ia manaoga o le ola faalagolago o le tagata ia te ia lava.
3. **Taimi Faatulagaina:** O le faatonusili o nofoaga autu mo talafaasolopito o aiga faatasi ai ma le tagata tomai faapitoa mo le ola faalagolago o le tagata ia te ia lava a le siteki, i se feutagaiga ma taitai perisitua, o le a fuafuaina faatasi ia taimi faatulagaina o le nofoaga autu. Pe a talafeagai ai, e mafai ona eseese itula e faagaoioi ai mo vaega taitasi, ae ia i ai pea le naunautaiga ina ia faafaigofie le mauaina o avanoa e tagata mo faamoemoega uma o le talafaasolopito o aiga faapea ma le ola faalagolago o le tagata ia te ia lava.
4. **Tagata Faigaluega:** O le fautua maualuga ua tofia i le komiti o talafaasolopito o aiga ma le ola faalagolago o le tagata ia te ia lava a le siteki e faamautinoa ua ausia ia manaoga o tagata faigaluega o vaega uma e lua o le nofoaga autu. O le a faamaopoopo e le faatonusili o le nofoaga autu mo talafaasolopito o aiga ma le tagata tomai faapitoa mo le ola faalagolago o le tagata ia te ia lava ia taimi faatulagaina o tagata faigaluega ma le aoaoina. I nisi o tulaga, e ono manaomia ai ona faaaogaina ma aoaoina ia tagata faigaluega lava e tasi ina ia ausia ai manaoga o vaega uma e lua o le nofoaga autu.
5. **Faaaogaina Faatasi o Fale ma Masini:** O le a le aveesea e auaunaga o le ola faalagolago o le tagata ia te ia lava ia gaoioiga o talafaasolopito o aiga ae o le a faaaogaina faatasi ia avanoa, meaafale, ma masini o loo i ai nei i le nofoaga autu mo talafaasolopito o aiga. Afai e manaomia, e tatau ona faia ni talosaga mo ni fale po o masini fou e faaaoga ai ni faagasologa o nofoaga autu o talafaasolopito o aiga ua uma ona i ai. O le a faaaogaina e nofoaga autu ia komepiuta ua faamaonia faapea ma isi masini ua saunia e le Matagaluega o Talafasolopito o Aiga, faatasi ai ma le lagolago mai le pule o fale ma fanua faapea ma le tagata tomai faapitoa o tekinolosi a le siteki. O le a faaaogaina foi e nofoaga autu ia polokalama faakomepiuta ma isi punaoa ua faamaonia mai e le Matagaluega o Talafaasolopito o Aiga ma le Matagaluega o Tupe Faaagaga mo Aoga. O komepiuta ma Initoneti o loo faaaogaina i nofoaga autu e tatau ona mulimulitaia ia aiaiga faavae o loo i le *Tusitalulima 1: O Peresitene o Siteki ma Epikopo* (2010), 17.1.12 ma le *Tusitalulima 2: Taitaiina o le Eklesia* (2010), 21.1.22. O le a tauhoa tutusa faatasi e le nofoaga autu mo talafaasolopito o aiga ma auaunaga mo le ola faalagolago o le tagata ia te ia lava le tiute o le tausia lelei o fale ma masini.

6. **Tuusaunoaga (Nofoaga Autu Faataitai mo le Ola Faalagolago o le Tagata ia te ia Lava):** O le a faaaoga faatasi e ni nai nofoaga autu mo talafaasolopito o aiga ia avanoa ma “nofoaga autu faataitai mo le ola faalagolago o le tagata ia te ia lava” ia o le a tatalaina mo le 40 pe sili atu foi itula i le vaiaso. O nei nofoaga autu e ono manaomia ona toe faatetele ia fale, faatoatele tagata faigaluega, ma faateleina masini mo faamoemoega o le ola faalagolago o le tagata ia te ia lava. O nei ituiga o masini, ua saunia e le Matagaluega o Tupe Faaagaga mo Aoga, o le a tausia ma faatautaia e le Matagaluega a le ICS i ofisa o le eria. O ia nofoaga autu o le a manaomia ona faateleina le faamaoopopoga ma e ono manaomia ai ni suiga o tiutetauave ma le faagaoioiga.